



署公省北河



年周三立成
刊念紀



覽鑰北門
 三年有成
 方策在茲
 政通人和
 自津而保
 艱難締造
 四方則傲
 治譜永寶

蘇雅平題



河北省公署成立三年紀念

庶績咸熙

溫世珮敬祝



河北省公署三周年紀念特別祝詞

庶績咸熙

東萊趙琪




河北省公署成立紀念

於鑄神州 敷土載奠 平秩朔方 嚮明出治
 邦舊命新 派共興亞 資助他山 用濟孟夏
 振衣整頓 綏綬改弦 東并西逮 恭最三年
 魯明亦盟 同此遙征 此萬作頌 宏我漢京

山東省長唐仰荏敬頌



河北省公署成立三周年紀念特刊



決英三特種省民口咸令
洪英年起分治和碑昌開
河吳為吳其軍流保安萃逢
北公公北當雷二為不遠嘉永
鐵代蓋十逾一統嘉永
韓當十蓋不遠嘉永
重豪在二與兩繫暨孟壘
鎮俊昔縣物織誰夏耀
奠冀俗皆政之萬重
政東壘春通功物尤

河北省公署成立三周年紀念特刊

陳永春敬啟



三
年
成
立

河南省長陳靜齋題






上右：河北省會警察署大門
 上左：強化治安運動
 中：河北省衛生事務局大門
 中：河北省衛生事務局大門
 下右：化學試驗工作情形
 下左：保定衛生運動






上：吳省長在石門
市振頭鎮對自
衛團訓話

下：河北省公署防
疫班在青縣實
施注射情形



上：河北省衛
生事務局
細菌檢查
工作情形

下：河北省婦
女防諜團
粘貼強化
治安運動
標語





上右：保定強化
 大會運動
 上左：河北省公
 署轅門
 右：吳省長檢閱
 清苑縣北
 再村自衛團
 下右：河北省防
 女團
 下左：吳省長視
 察清苑縣
 東石橋村





右：吳省長視察冀
南道公署

下：吳省長視察石
門市在車站留
影



下左：吳省長對邢臺
自衛團訓話

下右：吳省長在邯鄲
訪問友軍○
部隊長



573.911
440

河北省公署成立三週年迴顧與展望

省長吳贊周

北京
圖書

民國二十七年一月一日河北省公署于天津成立歲月不居條已三年撫今思昔深維締造之艱難益感責任之重大茲值舉行三週年紀念之日請畧舉梗概亦古人述往事思來者之意也

蘆溝事起舉國騷然前省長高公澤奮不忍鄉里塗炭組會天津維持地方各地聞風響應羣起效法而仍以津會爲其領袖二十六年杪前臨時政府成立頒省組織法即簡高公爲首任省長同時前冀東自治政府鑒於當時環境自動宣言合流由是本省之行政機構遂臻完整惟是省境西南烽火未熄荆棘遍地人心惶惑重以吏員星散冊籍蕩然其措施之艱苦非筆墨所能形容二十八年春省境治安仗友軍之力強半奠定省治遂移於保定前省長亦以輔政中樞不遑兼顧遂以贊周承乏迄今兩年媿無建樹而矢志於睦鄰報國乾惕罔懈初不以

成敗利鈍易其初衷也年來庶政設施悉本斯旨略陳其遞嬗之跡冀供省覽

民政事項經緯萬端而察吏安民實居首要本省區域遼闊爰於二十七年劃分爲津海保定冀南冀東四道復於二十九年改劃爲保定燕京冀東津海渤海真定順德冀南八道授權分巡極著成效復劃定唐山石門兩市區設市公署促其發展指定清苑等二十五縣市爲模範區域撥款補助俾其開發產業安定民生調訓現任各道縣市官吏並考試薦舉縣知事以謀慎重登庸增進效率他如考察縣政編組保甲指導自治整理土地以及恢復市集以利商賈修葺城垣以保治安提倡道德以遏橫流亦莫不綱舉目張分途共進惟是二十八年夏秋之交洪水氾濫遍於全省災區之廣災民之衆爲向所罕見幸蒙政府撥款救濟分辦急賑工賑友邦各方儘力支援黎庶得慶更生秩序幸未糜亂而庶政推進終不免稍有阻障所幸全體上下同德同心一以養民衛民爲職志始克昭蘇元氣日起有功

財政爲庶政之母第以兵燹之餘百廢待興而民力凋敝稅源枯竭是故財政之整理必須於顧恤民力之中謀收支之適合而尤所注意者卽爲革除積弊培養稅源以冀取之於民者用

之於民年來悉本斯旨循序漸進在事變之初即二十七年下半年除冀東各縣以外省款收入僅四十萬元三年以來竭力整頓約計本年歲入可達一千萬元以上仍係根據原有稅制稅率並未增加人民負擔關於稅捐之整理則首先廢除包商制度牙雜各稅遴員承征並於三十年開始於治安良好各縣實行直接征收以杜中飽清查田賦整頓契稅則由土地陳報入手冀東臨榆樂亭等縣頗著成效至於省款之稽核縣財政之指導則先設賦稅稽核專員八人嗣後擴大職權充實組織劃全省爲三十七區各區置財務稽核專員以增效率復以省款收支系統紊亂爰委托中國聯合準備銀行代理金庫劃一收支程序上下悉稱利便縣地方收入多不敷用所有政法治安各費亦統籌補助俾利復興至縣款收支亦皆制定準則確立預算以謀收支之適合他如豁免舊欠以蘇民困取締雜幣以定金融整頓營業稅以裕庫儲訓練財務人員以利工作亦皆分途並進各有成績

教育事業所以作育人材百年樹人古有明訓晚近風氣澆薄功利之說深入民心糾正思想惟有自教育着手事變之初各級學校完全陷入停頓狀況三年以來經就財力所及先後恢

復北京天津保定通縣等處師範及中學等十餘校並開辦師範專科以養成優良師資設立中心小學二十處以利觀摩創設保定滄縣兩農業學校以廣職教至各縣小學經隨時督促儘量恢復念際此東亞民族共謀復興之時中日文化之交流實爲當務之急爰於二十九年考選優良學生五十名資遣赴日留學並兩度選派高級教育行政人員先後赴日本精神文化研究所分科學習至於推廣普及日語規定各中小學一律增加日語課程並分區召集各地日語教員施以再教育亦皆先後實施各有進境此外如設立教育研究所對於中小學教員施以再教育舉辦暑期講習以正思想檢定小學教師以防濫竽充實社教以利平民並將省立京津各校移讓市署接管以便騰出經費發展鄉村教育並已付諸實施循序進展建設實業上裨國計下裕民生本省河流貫穿各地隄防實爲賦命所託爰首先恢復永定南運北運子牙大清各河務局負責修防以弭水患二十八年大水以後各河決口皆能先後修復二十九年遂慶安瀾農林生產爲國家之根本資源亟應改善以裕民生爰督令各縣設置模範區以供試驗恢復各農場林場並設立保定唐山滄縣石門等勸農模範場復於易縣設

種畜試驗場以謀改進訓練農業指導員六十人分發各地俾其深入農村實施指導又由友邦購入陸羽稻種發交試種謀稻種之改良並由省籌款貸發各縣勸導墾井以防旱災督飭各勸農場調查蝗卵以除蟲害至公路電話關係交通警備至爲重要現在各縣公路已全修復警備電話亦多通話至於北京至落堡以及落堡至武清一段由省架設電話現已竣工他如整理鑛政修補城垣改組各地商會督飭造林檢定度量衡促進合作均已積極進行年前國交調整軍管工廠鑛山均准發還實爲中日親善之至誠表現刻已依照實業總署所頒辦法調查登記彙咨核辦

警務事項所以綏靖地方除暴安良矧值兵燹之餘伏莽潛滋勢所不免爰組設省警隊實施討伐雖歷時經年即已改編而所獲效果極爲重大至各縣警備隊爲唯一之地方武力警察所爲維持治安機關均關重要經調整其職權劃一其組織並籌發械彈充厚實力復先後設甲種警察教練所及警備隊幹部訓練隊各一所乙種警察教練所四所分施教練謀素質之改良並選拔其尤優秀者入高等警官學校暨派赴日本留學以求深造又以殘匪未清滋蔓

堪虞經嚴密封鎖山地杜絕物資流入匪區以冀拔本塞源澈底肅清復於保定設立省會警察署以維省會治安設立衛生事務局以司衛生行政接收海上警察局以謀機構完整籌設修械所以重軍械他如提高警節整飭警紀修建碉堡城垣實施冬防夏防檢定中醫實施防疫均已先後施行

往者政務設施多因上下隔閡發生阻障不僅政府機關與人民之間不能融合即各級機關亦多不能緊密聯繫是以於二十八年暨二十九年春夏之交兩度親赴各縣普遍視察一則以謀事務之聯絡一則以問人民之疾苦聞見所及於省政之改進多有裨補復不時召集各道尹縣知事以及各機關學校主管人員舉行會議以交換意見集思廣益此外更隨時指派各廳長道尹巡視各地令飭各廳職員分途視察并成立情報室組織宣傳班分赴四鄉宣傳訓練宣傳人員強化情報網以謀上德下宣下情上達庶幾官民一體同心同德祛壅塞隔閡之弊有和衷共濟之功

華北各地大股匪共雖已潰滅而跳梁小醜猶不免乘機出沒是以政務委員會特於國府還

都紀念日開始強化治安運動各地遵行成效大著良以治安不立無論經濟文化以及生產建設均有無從措手之感嘗考政治施設皆有連繫之關係即治安之強化固有待於各種政治權力之協助而庶政之推行尤有賴於各地安寧秩序之確立二者雖互爲因果而權其緩急自應以確保安寧爲當務之急今後本省當力謀自衛健全保甲組織發揮自治效能喚起人民以自勵精神防共禦匪庶幾亂萌可遏郅治可期

年來大兵之後災患頻仍生聚教訓責在有司是以此後之財政方針當力避妨害人民生產及增加人民負擔一切捐稅務求其公允合理省不急之務以舒財力嚴守預算力求收支適合增進工作效率以節支出以冀政府無轔蹶之憂黎庶無追呼之苦教化事業乃人材所自出亦國脈之攸託晚近邪說盛行致釀劇變正人心厚風俗實爲今日之急務是以各種教育當以親仁善鄰恢復固有文化爲不移之方針至於專材之培植師資之養成各級學校之適當分佈國民教育之力求發達亦當急起直追分途展進產業復興資源開發爲現在之切要工作我國以農立國而食糧猶多仰於舶來究其本原並非土地不足實緣於墨守成法技術

不良遂致生產微薄是以必須改良耕種獎勵副業防制災患調劑金融庶可復興農村進謀建設再以鑛產而言本省蘊藏之量豐富無比迄未開發欲求自給惟有獎勵人民投資從事開採荒山荒地未能利用尤待加以指導俾其生產總之今後之建設事業當謀地盡其利貨暢其流庶可通商惠工家給人足此外普通政務如整備機構澄清吏治培養稅源勵行節約以及提倡道德救濟失業溝通文化完成交通雖屬老生常談果能實踐躬行必收立竿見影之效

尤有進者歐西戰火猶正熾烈正大假我東亞民族以復興之良機允宜攜手團結共謀建設我河北位居華北中心與邦與亞義不後人而努力防共及產業開發尤爲職責以內應盡之義務三年以還一切設施悉本斯旨雖無顯著之成績幸蒙政府指導各方支援人民擁護尚得於建設東亞新秩序之大業效其涓埃之助惟是國家之百年大計東亞之永久和平固可預期猶待努力嗣後當以自強不息之精神更圖邁進三年來之省政既陳其梗概兼抒所懷以備異日之印證焉

河北省公署成立三周年之感想

秘書長 劉宗彞

河北燕趙舊地自昔有事之時爲兵家所必爭是以恒先天下而亂亦先天下而治鼎革以還雖與南中諸省隸於同一政權而考其政教經濟逮及各項設施多有其卓然不羣之特性在蘆溝事起已歷三年河北省政之恢復亦復相若今者桑麻遍野笙歌載途幾不知前此三年曾蹂躪於金戈鐵馬也是我河北之先天下而治仍不異乎往昔

猶憶事變初起烽火連天荆棘遍地生靈塗炭廬舍邱墟而所謂先知先覺者又復高蹈自鳴以爲行方由夷坐令民命國脈于焉垂絕前省長渤海高公時蟄津沽凜於匹夫有責之義當仁不讓糾合同志組織維持會於天津收拾燼餘撫輯流亡四方聞風響應羣相師法生命財產保全不可數計而廻首當年慘澹經營艱難締造在事諸人莫不置死生於度外惟以拯溺救焚爲念今日之太平有象夫豈徒然

大兵南指僞黨宵遁爾時今省長吳公息影田園父老咸以維持桑梓相責乃曾不崇朝冀南各地雲合景從遂組冀南各縣聯合維持會於石家莊未幾秩序大定省治移保前省長高公適以輔政中樞不遑兼顧政府遂特簡吳公主持省政良以羣情愛戴中外翕然兩年以還修明政治百廢俱興庠序重聞並誦之聲郊邑盡滅萑苻之跡固乃人心思治饑易爲食而碩德宿望公忠體國實以致之

竊嘗聞之多難興邦自古已然而今之所謂興者稍異於昔慨自海禁大開西力東漸人爲刀俎我爲魚肉者垂百年矣救亡圖存惟有親仁善鄰攜手共進是所謂興邦者必待東亞民族各得其所始克謀永久之和平致黎民於康樂年前政府還都國交調整我中日兩國固已明定其各應負荷之任務今後戮力同心推誠實踐則邦家再造必能於東亞復興之下得之是不待智者而後明也

溯自事變以還自津而保始終其事雖謬參密勿而隨俗浮沉媿無建白今幸得覩省境之內熙然太平有感於昔人先憂後樂之義竊願禹甸黃裔同此利樂則由亂而治固不僅河北一

省爲然也省署成立三年遷保亦歷兩歲同仁咸思有以紀念爰就耳目所聞見抒其所懷云耳

民政廳長高培樞

輪忙日月我省署成立已三年矣奠其基者前省長高公踵其成者今省長吳公也溯當年蘆洲星火燎遏疆圻燄息方新瘡痍遍地我省署繼臨時政府之開基而爲安輯之工作所以復疆宇撫斯民者一切草創擘畫經營有華路灑禮之致焉方吳公受事之初適值省署遷保繼以沈災殫精竭慮卒底平成維持全境之治安以納民軌物邁進東亞之建設以更新秩序連年以來賴友軍之協力提携特務機關之指導援助始獲觀此安定局面此應深致感謝者也友邦日本居東亞指導之地位我國足資式倣是防共和平建國之新階段正可就此逐步踏進河北省又居東亞共榮圈內之核心其關係重要自不待言過去三年之努力誠有檢討之價值撫今追昔來日方長更當以誠摯之精神完成應盡之責任仍盼友邦人士加以極端

需要之援助與指導使日趨於明朗平坦之途培樞忝長民政感於吾孔子三年有成之說曷敢不勉

前財政廳長 張志澂

民國二十七年一月本省軍事甫定承 前臨時政府之命成立河北省公署歲月不居瞬已三稔值此三週年之期爰有紀念冊之編印所以回溯既往策勵來茲志澂忝長財政緬維三載以還省庫收支與年俱進歷年收支總額計二十七年收入一百四十二萬餘元國庫補助五百二十九萬餘元支出五百四十六萬餘元二十八年收入五百五十三萬餘元國庫補助五百四十八萬餘元支出一千零九十三萬餘元二十九年收入一千零四十九萬餘元國庫補助四百一十四萬餘元支出一千三百五十四萬餘元二十九年賦稅收入較事變前一千四百餘萬元之數雖未企及而已所差無多以收支之遞增與補助之遞減則民生計日趨安定社會建設日就繁榮在在均可推測而知回憶三年前本署同人受命於兵燹之餘當殘

破顛危之頃不計毀譽不辭勞怨毅然以三千萬人民生命財產爲重出任艱鉅雖才拙力微而甞勉同心以赴因勢利導勞徠安集輔翼振興乃能得到如斯結果雖未臻盡善盡美顧已非初料所及撫衷自問差可聊慰萬一第復興大業經緯萬端治安確保與民生安定僅其始基而非最終結果同人等以往措施固已幸告無罪而此後一心一德努力向前由復興地方推之於復興祖國復興東亞所分肩負者至重且鉅手此三週紀念冊檢討過去之幾微成績固無足矜許而凜然於負荷之重回顧以往之疏虞闕漏共圖補苴期發揚光大於來茲復興亞之坦途邁進建設新秩序固已肇端於此瞻望前路惕勉同深其今日刊行斯冊之微意也乎編輯既竟因就三年省庫收支狀況抒其感想如此

教育廳長 孫 今 善

河北省公署成立於今年此三年變化之速爲我國歷史上絕無而僅有者感想所及畧述數語藉備考核兼以自勵

吾國自西方功利之說盛行共產邪說乃得乘隙而入人心風俗之晦盲固已如江河日下不可收拾幸承友邦日本念同文同種之義慷慨興師綏靖地方剿滅匪共新中國於焉成立東亞新秩序乃得開始建設今善秉承 省長訓示友邦指導努力設施分期進展如督導各縣復興小學已達一萬一千二百餘校刻仍在積極促進以救濟兒童失學恢復基本教育又分區舉辦小學教員暑期講習會籌設教育研究所分調中小學教員來所訓練及抽調中等學校教員赴京受訓以勵教員再教育之進修而增加其教學技能灌輸其興亞知識又劃分八道爲師範區於保定燕京冀東三道各就原有師範附設簡師班級渤海真定兩道各設簡師一處以應社會之需要而作師範之預備又規定聘用師範中學教員標準以期訓教之合一辦理小學教員檢定以冀資格之適合又考派留日公費生及派員赴日視察研究教育以資借鏡而備效法又舉辦日語講習會及中小學設置日語課程保定蓮池圖書館主催中日書畫展覽會近復舉辦本省中國人日語指導者講習會及教員講習會並先後舉行中小學生日語學藝會日文作文競賽會以普及日語之傳習而發揚東方之文化又改訂省立中小學

校長加薪提高小學教員待遇以應需要而濟生活又加強省立第一新民教育館機構督飭各縣中小學校附設職業班於新民學校添授職業課程增設省立保定滄縣農職學校改邢臺縣立初級農職學校爲省立以造技術人才而裕農村生計此外兩次召開中等學校校長會議一次召開各道區教育行政會議本年仍擬繼續召集以集羣策而謀改善至於中心小學移歸縣管京津省立各學校移歸市轄則又係節經費而利策進

以上各節僅述舉舉大端撮其重要厥有三點（一）兒童時代須養成其純正思想本源既固不易變遷即使爲異端習染亦可經師友之糾正不至爲下愚之不移今造就優良師資卽爲養成學生純正思想不但中日一家既能深刻認識誠意親善而共產之爲害劇烈尤可瞭解於心深惡痛絕則赤禍之肅清更足事半功倍（二）友邦日本文物之美備政教之昌明我國亟應取法今派員赴日視察教育研究精神卽是溝通中日文化獲得與亞理念學成致用蔚爲中堅份子則共存共榮之事實必可達到圓滿之目的（三）大難之後農村破產哀鴻遍野若不亟圖補救何以甦元氣而起瘡痍今設法推進社教俾有自救之能力再徐圖

根本之設施爲標本兼治之策而奠富強之基礎凡此種種不過殫精竭慮聊盡職責仍須凜不進則退之戒力爭上游本先難後獲之旨期收實效自今以往更應惟日兢兢以求施教之澈底而希使命之完成庶幾於東亞共榮圈一環中得以稍効涓埃乎

建設廳長 陳曾棻

回憶民國二十六年夏事變猝發舊設軍政各機關官吏星散其時各地方人士自動組織維持會暫執政柄惟皆自爲風氣無所統屬迨民國二十六年十二月北京臨時政府成立始有河北省公署之組織開辦伊始曾棻實與其事及分廳制定關於建設行政即由曾棻負其責屈指計之今已三載若就恢復舊觀言似無難於短時間內奏百廢具舉之效然一切事業經匪共之蹂躪破壞過甚物質之毀棄文卷之散失自不待言受任以後乃就事實需要分別緩急以圖次第恢復或籌增置改併之計畫或訂切適之良規三年以來隨時設施規模粗備關於河工者如督修各河春工與夫伏秋各汛防險搶護工作幸尙無誤關於交通者保定城關

各馬路由建廳直接施工其他國道省道各幹線飭由各縣知事隨時整理修補而縣鄉各路線亦擇其必要者次第修復尤以與交通有關之電話會架設津滄警備長途電話線一段又天津至落堡並至武清警備長途電話綫一段此外督飭各縣架設者爲數將達百縣全省交通逐漸推廣既於治安有利而行旅運輸亦俱方便關於農事者成立保定唐山石門滄縣四區勸農模範場並訓練農業指導員成立河北省種畜試驗場積極研究改進各項生產以期復興農村有裨民生客歲由本省發起華北訪日產業視察團體曾弒復躬親其事前此成績固不足述而此後產業發展之機端賴借鏡友邦以求逐漸進步頗與寮屬振刷精神急起直追爲吾河北省謀無窮之福利是所厚望焉

警務廳長 朱 兆 熊

河北省政自二十六年七月盧溝事變之後忽焉中斷雖有冀東政府出而維持其區域僅限於東北二十二縣而省境大半騷然均在軍事擾攘之中流離載道目不忍睹二十七年一月

臨時政府成立始以天津治安維持會爲基礎經前省長 高公於戎馬倉皇中幾經擘畫於是省公署始告成立省治即設天津努力經年收復縣治六十三處而省境西南各區仍在水深火熱之中其時環境雖形艱隘而改訂規制頒布法令政治上之設施急圖邁進不遺餘力迨二十八年三月省署奉令移保今 吳公出任省長是不特地域適中足資鎮撫當此匪警紛傳之際主持省政非得兼長軍事者不爲功雖是年洪水爲災漂沒縣分竟達一百一十處之廣匪共乘之瘡痍彌增乃於急籌賑濟聲中關於各縣保衛治安之警備隊仍得從容措施改組成立以前被匪共佔據縣分得以漸次肅清至二十九年麥收報稔流亡漸集四境萑苻潛踪擾害者雖復時有所聞一察其匪力之成分並未較弱於前而匪勢侵擾之幅員乃日形減縮全省縣分僅餘二三邊隅之處尙未隸入管轄之中行政實力逐漸增強固賴各縣警隊及中央治安軍防剿得力而得駐在友軍之助實多兆熊自二十八年秋認長警務被任以來兼承 省座佐理司職顧念時局艱危深恐才拙莫勝日夕兢兢不遑寧處雖不敢仰躋禹稷飢溺之懷而起視閭閻如尙有一戶不獲安居詢之人民如尙有一人無從樂業拊心內咎憂

魏中來恒慷慨以尸位爲懼故對接近人民之警察接觸匪共之警隊慮其智力之不足訓練之以植其本虞其生計之不裕加支薪餉以養其廉奏效雖未能一蹶而躋程功則實已與年俱進孔子曰三年有成是志乎從政者所預期虞書曰三載考績乃屬於任政者之責成今河北省公署於特殊情勢之下駸駸成立已三年矣其間經營措置上煩 省座宵旰之勤下賴僚屬贊襄之力外承友邦之協助內得民衆之服從相維相繫始獲睹今日明朗之象若本此三年中之羣策羣力向前邁進省政前途正未有艾豈僅此小康已哉爰綴一言以誌其崖畧云爾

政務概況

民政

一、調整人事 當事變之後各縣地方治安尙未恢復正常關於縣知事及佐治人員人選多有因人設事就地取才濫竽充數在所難免於縣政之推進窒碍良多爰經加強整飭

並制定各縣知事任用荐舉訓練歸班各暫行辦法及程序並各縣佐治人員任用暫行辦法次第施行對於各縣知事及佐治人員分期厲行訓練關於佐治人選並學歷與年力兼重以精壯才能適合環境需要爲宜現各道縣政治已日益刷新人事尤臻調整

二、增劃道區 本省二十七年分設津海保定冀南冀東四道轄區廣袤領縣繁多考察既感難周顧此尤慮失彼二十九年爲便利監督指導增進行政效率起見依照部定劃分行政區域辦法原則參酌本省地方形勢幾經規畫改劃本省爲保定燕京冀東津海渤海真定順德冀南八道強化道制加強職責以祗承轉之習而策分寄之效溯自二十九年七月各道公署改組成立以來推行盡利收效頗弘

三、事變以後各縣每爲匪共盤踞轄境多未完全收復年來賴友軍支援及政治推進秩序漸趨安定庶政納入常軌全省一百三十一縣局處迄於最近僅阜平一縣尙未組設縣署以言治安惟京漢線沿山地帶尙有少數匪徒潛伏正在積極殲滅此外各縣治安多已確保督飭各屬推進縣政並就順義石門等二十七縣市籌設模範地區期臻上理

四、市政概況

唐山市係前冀東政府時所設立石門市於二十七年一月間設處籌備兩市組織原甚簡單人事亦欠健全管轄區域亦欠調整二十八年十月間因鑒於兩市籌備經年商業人口日形繁榮確有設市必要經先後呈奉前臨時政府行政院委員會核准設市關於組織之訂定人事之調整市界之勘劃治安之強化財賦之劃分均經分別緩急督飭次第進行一年以來兩市市政及一切建設均有相當進展而治安亦日臻鞏固商務較前尤見繁榮

財政

河北省素號貧瘠地方賦稅等項收入不敷支出向爲受協省分事變前歷年由中央及各縣市協撥鉅款尙不能免於拮据據二十四年度概算所載本省全年賦稅等項收入一千四百七十餘萬元而經臨各費年支二千零六十餘萬元計不敷五百八十餘萬元除由中央及縣市地方協撥三百六十餘萬元外全年仍虧二百二十餘萬元尙須待隨時騰挪設法彌補事

變後本省承戰亂之餘地方匪氛不靖一切賦稅等項收入大形減少而推行政務所需之治安工作等費反形增加一時收支不敷爲數至鉅然本省公署成立三年以來於財務行政設施迭經努力改善舉凡關於稅收之整頓田賦之清查預算之厲行收支之調節均妥爲計劃着着進行並普設全省財務稽核專員以收財政上統制監督之效以是本省賦稅一切收入漸次暢旺而財政基礎亦得日臻鞏固近年收支實況計二十七年本省賦稅等項收入一百四十二萬餘元支出五百四十六萬餘元二十八年收入五百五十三萬餘元支出一千零九十三萬餘元二十九年收入一千零四十九萬餘元支出一千三百五十四萬餘元歷年不敷均賴中央協款彌補惟此項協款已日漸減少且統計三年來本省賦稅等項收入逐年有鉅額之增加雖年收數額尙不及事變前之數但以應二十九年全年支出收支兩抵僅不敷三百零五萬餘元與事變前情形相較財政狀況之良好已差堪比擬本年復計劃於省境六十四縣施行牙雜稅直接征收制度並籌劃澈底整頓田賦辦法以期剷除積弊開闢稅源來日地方治安漸形進步則本省財政自足自給計劃當易實現也

教育

本省教育向稱發達城鎮市鄉學校林立事變以前總計全省學校將及三萬自經事變或以地方不靖因之停頓或由經費無着難於維持遂致絃誦聲驟爨舍爲墟省署成立於茲三載對於教育竭力整頓一方就原有各校設法恢復一方應實際需要新謀創立在二十七年内恢復小學三千六百七十四處自二十八年迄於最近數量方面較前尤增計省立各校已開學者則有省立師範專科學校等十七處及保定師範附小等五處共有學生八千零一人縣立學校則有簡師二十五處中學八處小學連前合計已達一萬一千二百三十三處共有學生五十萬九千八百四十九人私立中學十五處小學二百四十二處共有學生三萬一千八百八十三人社教機關有省立保定蓮池圖書館一處省立第一新民教育館一處縣立圖書館及新民教育館等一百九十一處新民學校二百三十八處又爲訓練教育人員起見於省會設立教育研究所一處已於去年十一月開學矣更爲順應新情勢對於質的方面力求改善其施政方針約分下列五項

一、造就思想純正之師資 欲使學生思想純正必須先有良好之教師本省有見於此於二十八年保定設立師範專科學校一處更由省通盤計劃按照八道劃分師範區每道應設男女師範各一處或合設一處除保定燕京冀東三道就原有師範附設簡師班外其渤海真定兩道已各設簡師一處此種計劃仍繼續施行

二、對於現任教員之選擇及訓練 各校聘任教員必須先行呈准以便對於資質有所選擇更令各校推薦現任教員輪流入教育研究所受訓以使明瞭時代肩負良師重責

三、力求中日文化溝通 爲力求中日文化溝通及養成幹部人才起見去年一月及本年二月先後派遣本廳職員及唐山中學等校校長教育研究所講師赴日參觀並入國民精神文化研究所實習研究去年八月考取男女學生五十名赴日留學同年九月組織教育視察團赴日考察

四、普及日語教育 對於各校日語課程設法使之加強又爲獎勵學生學習日語起見去年及本年先後舉辦日語作文競賽及日語學藝會日本語文檢定又舉辦日語指導者

講習會日語教員講習會以資增進教學技能

五、推廣實業教育 在二十九年暑假後於原有通縣黃村兩農職外增設保定及滄縣農職二處本年並將邢臺縣立農職改為省立以資發展更督促各縣學校添設職業班各新民學校添設職業課程以推廣實業教育

綜上以觀本省教育三年以來頗有進展至於質的方面則更有顯著之進步焉

建設

本省負山帶海河追縱橫幹河有五即永定南運北運大清子牙是也此五河均設有專局關於堤防修守及一切河務事項均由各河務局負責辦理省境各縣公路經歷年之整理大致均已修復計有國道八條長一五四四公里省道四二條長三五〇二公里縣路一〇三六條長一五一一八·八四公里警備長途電話經省架設者為天津至滄縣一段長二百五十二華里又天津至落堡一段長八十華里落堡至武清一段長二十華里其由各縣就地架設者計有九十三縣農林方面有勸農模範場四處分設於保定唐山石門滄縣四地又農事試驗

場一處設於天津新成立種畜試驗場一處設於易縣二十九年度內全省育苗約六百萬餘株造林成活約八十餘萬株灌田井眼添鑿二千餘眼三十年度推廣陸羽稻種三百餘石各縣已成立登記之合作社計有三百四十六社而最足紀念之重要建設歟爲石德鐵路之完成此路起點石門經過正定藁城晉縣東鹿深縣衡水武邑棗強景縣以達山東德縣計長一八〇·七公里於二十九年六月中旬開工東西兩端同時並進由省署分飭沿路各縣協助趕修如此鉅大工程僅費時五個月即行竣工於十一月十五日在本路中點之衡水縣貢家台舉行開通式本年二月十五日在石門舉行開通典禮正式通車此路除終點一小部分在山東省境餘全在本省橫穿省之中部聯貫京漢津浦兩鐵路直通太原下達青島於經濟治安文化交流均有莫大裨益云

治安

本省於民國二十六年事變時首遭兵燹地方秩序異常紊亂除冀東二十二縣劃地自守依然安謐外餘則全部淪爲戰區迨戰事告終各縣皆組織維持會以暫維地方惟此項維持會

係人民自動設立並無一定之系統與辦法其任務多以維持治安支應軍事救濟人民爲主而規模較大者則並涉及行政迨民國二十七年一月省公署成立將全省各縣次第接管四月又與冀東合流共有一百二十九縣一設治局一辦事處最初省署政令所及者不過七十餘縣而此七十餘縣中政令能達全縣者殆居少數餘則或僅有縣城或縣境一部經過本省當局三年之努力整頓警隊安輯人民地方遂日趨安定現在除阜平一縣及邊隅山岳地帶尙有匪共竄據外其餘各縣均已恢復警察機關亦粗具規模計縣警察所一百二十三處市警察所二處並設省會警察署塘大警察署水上警察局開灤礦業警察總所北戴河風景區管理局警察所其各縣警備隊亦次第編成與警察所劃分權限專司剿匪工作就地方財力槍械量數及治安情況設大隊或中隊中隊以下設小隊由縣知事兼任大隊長或中隊長另以軍事人材委充副大隊長或副中隊長統率所屬計組織完成者有一百二十六縣各縣自衛團依據保甲制度之組織以曾受青年訓練或適合之壯丁充任團員已報成立者計有清苑等八十九縣其餘各縣正在進行組織中又於省會設置衛生事務局修械所縣警備隊幹

部訓練隊省會及天津順德唐山等處分設甲乙種警察教練所關於全省警政之整飭刷新警隊之肅正工作均銳利邁進積極推行全省治安日形穩固矣

宣 傳

本署自成立以來爲防止匪共之蔓滋糾正思想之誤謬對於宣傳工作竭力推行二十七年本署成立之始即於外交科設置宣傳專辦一切宣傳事宜遷保以後又以此項事務至爲重要非擴大組織範圍不足以收宏效乃於署內另設立情報室並分令道市縣一律組織情報室協助辦理其宣傳方法略述如下

一、文字宣傳 將省境內建設繁榮新國民精神之發揚及滅共之實踐各種情形隨時採編成稿送交各報紙刊登以期事感顯明人知去就

二、集會宣傳 凡遇盛典或足資紀念之日期即召開大會闡明意義以促進人民對新時局之認識

三、口頭宣傳 爲宣傳政情溝通消息灌輸民衆新知識特組織宣傳班分赴各地深入民

聞隨地講演作各種切實之宣傳

四、藝術宣傳

(甲) 話劇 本和平建國之旨編撰各種話劇計有旭光覺悟模範家庭倉官報黎明

和平下的犧牲者等數種迭在清苑安國等縣公演頗收潛移默化之功

(乙) 漫畫 印製與亞滅共各種漫畫以淺顯之畫圖寓深遠之意義隨時分送各地

民衆閱覽

(丙) 照片 舉凡各種集會盛況各地復興景象均攝有照片或隨時展覽或刊登報

端以資宣傳

五、播映宣傳 購置蓄音播音機及電影機携赴各地放送與亞唱片及映演新民影片

六、訓練宣傳人員 爲加強全省宣傳工作養成實用人材起見特設立宣傳情報人員講

習會分令各縣市選派辦理情報人員來省受訓派員受訓者共百十六縣受訓學員二

百十七名

省公署組織經過

二十六年十二月

臨時政府議決任命高凌霨爲河北省長兼天津特別市市長

三月十七日

高省長在天津河北第二公園原天津市治安維持會先就市長兼

職治安維持會同時解除所有以前天津市治安維持會所轄二十

三縣政務由市公署暫行處理

二十七年一月一日

臨時政府公布河北省公署暫行組織條例

同日

省長在市署就任本職啟用臨時政府頒發之河北省印

一月五日

省長奉令免市長兼職

同日

省長委派總務廳第一批職員均派以「先行辦事」名義以下各

廳同

一月六日

臨時政府任命孫潤宇爲河北省公署總務廳長王潤貞爲民政廳

長張志澂爲財政廳長陳曾斌爲建設廳長沈同午爲警務廳長陶尚銘爲教育廳長周彬岐顧儀會爲參事

一月十七日 省長交卸市長兼職省公署在河北二馬路三號正式成立

省公署遵照河北省公署暫行組織條例規定採合署辦公制所發命令均以省長名義行之

一月十九日 省公署各廳廳長同日就職啟用省署自刊之木質印信

一月廿八日 省長委派財政教育建設各廳第一批職員

二月三日 省長委派警務廳第一批職員

二月廿二日 各廳啓用行政委員會刊發之木質印信

三月廿三日 臨時政府公布省公署組織大綱

三月廿六日 臨時政府廢止河北省公署暫行組織條例

同日 臨時政府令按照新公布省公署組織大綱裁撤省公署總務廳改

設秘書處

同日 臨時政府任命孫潤宇爲河北省公署秘書長並免總務廳長職

四月一日 臨時政府任命劉宗彝陶景唐爲河北省公署參事

同日 孫秘書長就職並交卸總務廳長職

擬定河北省公署組織規程仍行合署辦公制

四月六日 省長委派民政廳職員

四月十六日 省長正式委定秘書處財政廳教育廳建設廳警務廳職員

四月廿五日 省長正式委定民政廳職員

六月十六日 秘書處與財政廳遷移至河北字緯路路北餘四廳仍在原址

九月一日 省署與五廳同時啟用臨時政府頒發之銅印繳銷木質印信

九月八日 臨時政府令河北省公署參事陶景唐另有任用任命謝石欽爲河

北省公署參事

九月廿八日 臨時政府令河北省公署參事周彬岐調署內政部參事

二十八年一月七日 臨時政府令任命李少微署河北省公署參事於一月一日先行就

職（補周彬岐缺）

三月九日 臨時政府令臨時政府委員兼河北省長高凌霨呈辭省長兼職高凌霨應免去河北省長兼職

同日 臨時政府令任命保定道尹吳贊周兼代河北省長

三月十四日 臨時政府令河北省公署秘書長孫潤宇呈請辭職應照准

同日 臨時政府令任命劉宗彝為河北省公署秘書長

同日 臨時政府令河北省公署民政廳廳長王潤貞免去本職另候任用

同日 臨時政府令任命高培樞為河北省公署民政廳廳長

同日 臨時政府令河北省公署財政廳廳長張志澂呈請辭職應照准

同日 臨時政府令任命葉爾衡為河北省公署財政廳廳長

同日 臨時政府令河北省公署教育廳廳長陶尚銘調任爲行政委員會參事

同日 臨時政府令任命孫今善署理河北省公署教育廳廳長

同日 臨時政府令河北省公署警務廳廳長沈同午呈請辭職應照准

同日 臨時政府令任命李志元署理河北省公署警務廳廳長

三月十五日 省公署由天津遷移保定

三月十七日 吳兼代省長就職

三月廿三日 省公署在保定開始辦公

三月三十日 省公署呈報行政委員會除建設廳長陳會栻繼續任職外新任秘書長各廳長均已到保就職視事

四月十五日 舉行河北省公署移保暨吳兼代省長就職典禮

六月廿三日 臨時政府令任命吳贊周署理河北省長

六月廿七日 吳兼代省長就署理河北省長職（仍兼任保定道尹至八月十四

日卸道尹兼職）

七月廿八日 臨時政府令任命伍星三署理河北省公署參事八月一日就職（

補劉宗彝缺）

同日 臨時政府令署理河北省公署參事謝石欽呈請辭職應照准

同日 臨時政府令任命曹敬庵署理河北省公署參事八月一日就職（

補謝石欽缺）

十月六日 臨時政府令署理河北省公署警務廳廳長李志元呈請辭職應照

准

同日 臨時政府令任命朱兆熊署理河北省公署警務廳廳長次日就職

二十九年九月十七日 華北政務委員會令河北省公署財政廳廳長葉爾衡另有任用應

免本職

同日 華北政務委員會令派張志澂代理河北省公署財政廳廳長聽候

簡命十月二十八日就職

三十年三月二十四日 華北政務委員會令代理河北省公署財政廳廳長張志澂辭職照

准遺缺派高崇祿代理聽候簡命四月九日就職

同日 華北政務委員會令河北省公署參事李少微另有任用

同月廿五日 華北政務委員會令派康士鐸代理河北省公署參事聽候簡命四月八日就職

接收冀東經過

冀東古爲北平漁陽諸郡向鮮劇亂休養蕃息久稱本省最富庶之區民國二十四年十一月二十五日冀東防共自治委員會在通縣成立以原灤榆肅密兩行政督察專員區十八縣又益以昌平香河寶坻寧河四縣共二十二縣爲轄區次年一月一日改爲冀東防共自治政府

二十六年八月間移治唐山劃地自守凡兩載有餘事變以後全省皆遭兵燹獨冀東未經波及安謐如常爲本省保存元氣不少亦幸事也二十七年春以臨時政府成立乃倡議合流成立協定並由池行政長官通電宣言取銷冀東組織將轄區於四月一日合併本省二十七年一月十九日行政部令派該部參事葉爾衡酌帶人員前往冀東接收中央部分事務並先來省署商洽一切省署於三月十五日奉臨時政府行政委員會令派高崇祿顧儀曾李宣鉞范興伯張允高前往冀東政府按照協定接收政務上一切移交之件遵於三月十六日轉知該員等會同本署難波顧問及職員韓桂泉張友直等前往冀東政務移交辦事處接收一切并經雙方奉派各員遵照協定概要組織冀東政務接收委員會積極趕辦嗣據該專員等呈報先後接收各項文件計總冊二本分冊四百四十五本印信十顆官章戳記十九顆專案移交之案十四件文卷書籍等三百九十七箱傢具鐵櫃等七十九件冀東財政廳經營新舊保証金三十八萬七千四百七十一元五角庫欸結餘七十元六角七釐暫收各縣解欸六千四百四十四元九角一分四釐冀東建設廳經營保証金礦照登記等費一萬八千八百一十一元

一角二分又通州電話局存摺二扣共洋一千九百六十五元四角三分當於五月十八日接收竣事應行呈繳行政委員會各件開具清單由高專員崇祿晉京竇呈其餘各件均由本署接管并通飭所屬一體知照

省署移保經過紀略

河北省公署於民國二十七年一月一日成立於天津周歲以後奉到行政委員會十二月三十一日秘字第三零三號令內開爲密令事該省省公署現經決定應移保定仰即準備一切關係事宜妥訂辦法呈覆候核此令等因奉此遵即着手籌備派參事顧儀會爲遷移籌備主任并派定籌備員八人輔助進行先於二十八年一月八日來保查勘嗣又設立遷保籌備委員會派秘書長孫潤宇爲主席委員參事顧儀會爲副主席委員並委員若干人（秘書長各廳廳長各參事爲當然委員）會中凡設總務修繕建築遷移聯絡五組分別辦理各項事務於二月三日成立三月四日署內文卷器具開始包裝陸續運保職員限於十五日以前到齊

移保以後省署秘書處及財政廳暫設於光園內民政教育建設三廳暫設於舊督署內警務廳則在督署東院吳兼代省長於月之十七日接印視事各處廳於二十三日一律正式辦公並於四月十五日舉行省署移保暨省長就職典禮至是省署遷移即告蒞事然房屋修繕建築工程尙多故遷保籌備委員會任務並未終了乃由省署按照規定改派新任秘書長爲主席委員各廳新任廳長爲委員並加派建設廳技正呂金藻爲副主席委員繼續辦理未了事宜嗣各項工程於八月間分別報竣遷保籌備委員會遂於月之三十一日結束以前各處廳辦公地點本係臨時指定勉爲勻配多不適宜至是房屋修繕竣事乃重新分配省署秘書處在舊督署居中建設教育兩廳在督署西院財政廳在更西之光園居右警務民政兩廳在東院居左於九月中分別遷移規模始備至署內修繕工程計分二期第一期爲一百四十餘間用款一萬五千八百餘元第二期爲四百二十餘間用款四萬一千五百餘元經修繕組督飭施工凡六閱月而成由大門起以及各處均輪奐一新復舊觀焉

（附）省治變遷考略

本省原名直隸在明爲京師府州直隸六部與普通行省不同至清雍正二年始置布政按察兩司建爲行省與直隸總督俱駐保定歷百餘年未嘗變更同治九年以後直隸總督於每年春融移駐天津冬令封河還駐保定而藩臬二司則仍駐保如故光緒二十八年以後總督永駐天津藩臬二司則輪流分駐津保政治重心已漸轉移然保定省治之名猶未廢也至民國二年在天津成立直隸行政公署始實行以天津爲省治十七年七月河北省政府成立於天津十月移治北平十九年十月又遷還天津二十四年六月徙至保定二十七年一月省署成立又在天津二十八年三月復移至保定以上係本省省治變遷之概略也綜計自建省迄今凡二百十七年省治在北平二年天津二十年而在保定則幾達二百年云

573.911

440

